



KEMENTERIAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya
Tel: 03-8889 7888 Faks: 03-8889 7957
Laman web: www.kwp.gov.my

SIARAN MEDIA

UNTUK LIPUTAN MEDIA MASSA

BENDERA WILAYAH PERSEKUTUAN BERKIBAR BERSAMA KAYUHAN CERIA WARGA KOTA KUALA LUMPUR

KUALA LUMPUR, 17 Januari 2016 – Dataran DBKL hari ini dipenuhi dengan Kibaran Bendera Wilayah Persekutuan Sempena Sambutan Hari Wilayah Persekutuan 2016 bermula seawal 6.30 pagi. Program ini diadakan bersekali dengan *KL Car Free Morning* yang disempurnakan oleh YB Dato' Dr. Loga Bala Mohan, Timbalan Menteri Wilayah Persekutuan.

2. Kempen Kibar Bendera Wilayah Persekutuan diadakan sempena Sambutan Hari Wilayah Persekutuan 2016 (SHWP 2016) yang disambut pada **1 Februari** setiap tahun. Melalui kempen ini akan menyemarakkan semangat mengibarkan bendera Wilayah Persekutuan dan juga dapat menyemai semangat cintakan Wilayah Persekutuan dengan lebih mendalam. Menjadi aspirasi Kementerian Wilayah Persekutuan (KWP) dalam menjadikan Kuala Lumpur, Putrajaya dan Labuan sebagai sebuah bandar yang ceria yang mempunyai persekitaran yang bersih serta indah, kehidupan yang kondusif dan selamat seiring dengan konsep *sense of belonging* yang ingin diterapkan di kalangan warga Wilayah Persekutuan. Kesejahteraan warga Wilayah Persekutuan dalam segala aspek menjadi keutamaan untuk memastikan semangat perpaduan yang teguh terjalin di semua peringkat lapisan masyarakat.
3. Kempen Kibar Bendera Wilayah Persekutuan telah diadakan selama 10 tahun bermula sejak Bendera Wilayah Persekutuan diwartakan oleh Seri Paduka Baginda Yang di-Pertuan Agong XII pada 20 Ogos 2006. Untuk tahun 2016, Kempen Kibar Bendera Wilayah Persekutuan diadakan secara serentak di ketiga-tiga Wilayah Persekutuan Kuala Lumpur, Putrajaya dan Labuan. Kempen Kibar Bendera Wilayah Persekutuan Peringkat Kuala Lumpur diadakan bersama-sama dengan Program KL

Car Free Morning. Program ini bertujuan untuk memupuk semua lapisan masyarakat ke arah pembentukan suatu komuniti yang cergas, sihat fizikal dan cerdas mindanya melalui aktiviti berbasikal.

4. Sempena majlis ini juga, semua bangunan dan kemudahan di sekitar Kuala Lumpur juga tidak ketinggalan dalam mengibarkan bendera Wilayah Persekutuan seperti pemasangan bendera gergasi di bangunan DBKL, pemasangan bendera di bangunan komersial di Kuala Lumpur dan pemasangan bendera di 350 tiang-tiang lampu di sekitar Bandaraya Kuala Lumpur.

5. Melalui Kempen Kibar Bendera ini diharapkan agar nilai-nilai murni seperti rasa sayang atau '*sense of belonging*' kepada Wilayah Persekutuan di kalangan warga Wilayah Persekutuan akan dapat disemai dan dipupuk bagi mencapai matlamat membangunkan bersama kecemerlangan dan kegemilangan Wilayah Persekutuan sebagai sebuah Wilayah Persekutuan yang Maju dan Sejahtera. Diharapkan juga program ini dapat memberi impak yang besar dalam penglibatan rakyat secara umum serta memberi peluang kepada mereka untuk menyertai setiap aktiviti dan program yang dianjurkan bagi memeriahkan Sambutan Hari Wilayah Persekutuan 2016.

Disediakan oleh:

Bahagian Komunikasi Korporat

Kementerian Wilayah Persekutuan

17 Januari 2016

Kuala Lumpur